



寧波府志卷二十五

傳一

南京兵部尚書郡人張時徹纂修

寧波府知府蜀威遠周希哲訂正

名宦

司馬氏曰漢制刺史省察治狀黜陟能否斷治冤獄以六條問事非條所問即不省按六條大要平政明刑條化善俗以敷宣王猷已爾太史公論循吏謂奉法循理亦可爲治何必威嚴哉余謂守令寔父母斯民愛子者必勞蓋未嘗黜嚴弛教爲也

故寬猛相濟仁義互持文武之道軌道程石拊循  
約束均所以利女之也故曰文武不備良民懼治  
之經也吾寧本起封先時大夫文種治之郡縣以  
來爲東海望吏茲土者守令而上則有內史有探  
訪節度觀察鎮遏制置諸使有宣慰都元帥萬戶  
其下則有倅理幕丞簿尉諸屬而代異世改名稱  
不一要其職司大較不殊也凡能表功抗職於茲  
以子惠元黎足稱循良者咸論次其行事以存其  
棠之恩而展四體有成勞或以一事一能立名當

世以潤簡書者皆得並列于冊不錄生者以論定  
於入木也

漢

王脩順帝漢安二年令鄴時軍人殺歷陽太守伊  
曜脩誓衆奔入賊營取曜屍葬之人服其義典錄  
稱之云委身受命垂聲來世仕至從事

吳

張舉爲句章令民有妻殺夫因放火烧舍詐稱夫  
死于火夫家疑而訴官妻拒不承舉以猪二口一

殺之。一活之。乃積薪燒之。察殺者口中無灰。活者口中  
有灰。因驗夫口中無灰。鞠之。妻果服罪。

晉

**孔愉**字敬康。山陰人。爲會稽內史。句章縣有漢時舊陂。廢毀數百年。愉修復故堰。溉田二百餘頃。民甚德之。

南宋

**謝鳳**元嘉中爲鄞令。在任未幾。惠政大孚於縣東二里。造方勝堰。以畜水。歲溉田五千餘頃。碶北阻

餘二百年。子游奏蠲其半。中歲不願仕。食祠祿。十五年築聽雨堂。兄弟相友。官其猶子。竭貲嫁兄之諸女。卒年八十八。

**李猷**字嘉仲。一字獻夫。鄞人。建炎初。以婦翁沒。王事自京師詣南都。行在所遇友人陳東。少陽被召。至舍館未定。乃爲假館於太僕寺丞陳正彙。少陽再上書不報。有榜通衢。斥附會李綱者。猷知爲少陽。將勸之歸。而少陽已逮。赴應天府。隨戮於市。猷哭且祈曰。少陽以忠諫死。勁節英氣。當不與草木

同腐吾欲收少陽歸葬而莫能得少陽有靈其啓我心越一日得屍又一日得其元合而斂之方買舟東下會其鄉人胡中行從太學來欲親護柩猷服其義并以行李付之猷亦不暇詢婦翁事亟還京師

孫暉字公著鄆人任韶州司戶恂恂孝謹輕財樂施大觀間陳忠肅公璣寓於鄆暉獨厚之役雖徙謫他所問遺不絕建炎四年明州燬於兵暉未暇葺舍宇首捐錢數十萬理學宮且輟田半頃爲養

採訪使先是廢鄆州爲鄆縣隸越州漣始奏請復爲州以境內有四明山故號明州後爲潤州刺史招集流民五百戶徙置于明以安輯之

裴倣河東人大曆間自長安令來刺郡適寇攘之餘井邑焚蕩道骸積而不掩生民僅有孑遺者倣悉心撫字一年而逋播以復田疇闢里塾興然後以禮義利物之教教之匱詘者教之耕藝些窳者教以敦質卉服祝髮者教以儀飾之度其賞人也不用財其勵人也不假威吏束手奉法罔敢有干

紀而射利者三年俗爲鄒魯少長各得其所王密嘗爲撰紀德碣

王密大曆中刺史有惠政李舟撰去思碑顏真卿書屢經兵燹竟失其傳密嘗爲前刺史裴儼紀德碣景嚮篤至斯其爲政可知矣

王沐緜之曾孫貞元四年刺郡興廢舉墜政治一新嘗捐俸立夫子廟落成之日民不告勞

任侗貞元九年刺郡郡有廣德湖淺隘灌漑不溥又歲久芟葑滋漫湮塞不通侗爲之增浚漑田四

百餘頃民賴其利

孔戣字君嚴宣聖三十八代孫刺明州先是歲貢海錯自海抵京師陸逾夫將送者積計一歲爲四十三萬六千人疏奏罷之

韓察京兆人丞相忠肅公滉之孫長慶元年刺史易縣治爲州治撤舊城築州城功大而民不知役費廣而用不厲民韓杼材爲文記之

王式大中十四年浙東賊裘甫作亂觀察使鄭祗德不能討至咸通元年甫又攻陷象山官軍屢敗

式乃代祗德討之曰但得兵賊可破也時吐蕃回鶻配江淮者其人習險阻便鞍馬舉籍管內得數百人式皆犒飲之又賙其家衆感泣懽呼願効死悉爲騎卒使騎將石宗本將之又奏得龍陂監馬二百匹於是閱諸營卒及土團子弟得四千人使導諸軍分路討賊凡十九戰擒甫送京師斬之加式檢校散騎常侍時慈溪民陳瑛者冒名竊官符仕至縣令豪暴于鄉不能制式曰此巨猾也不可緩乃窮治其姦竟榜殺之

黃晟字明遠鄞人也少伉勇望海鎮選募軍校晟矮陋不中募遂游歸鄉里集衆保嘉平權知州事羊僕補晟爲嘉平鋪將台人劉文寇明州僕擊文走之其黨走據奉化晟以所部兵擊敗之遷伙飛都副兵馬使盜攻越州董昌不能禦晟縱兵戮之昌奏晟散騎常侍浙東道東面副指揮使會刺史鍾季文卒晟守其郡自稱刺史晟雅禮儒士江東文學之士咸往依之別築營以館創築城堞再成浮梁乾寧中守明州十有八年梁開平三年卒墓

在隱學山郡城及姜山奉化皆立依飛祠祀之  
陸南金天寶二年知鄞縣事開廣東錢湖居民德  
之立祠湖旁  
王元暉琅琊人太和七年爲鄞令築它山堰浚小  
江湖灌溉甚博民德之立祠堰旁後聞于朝爵曰  
侯諡曰善政乾道四年賜遺德廟額寶慶三年誥  
封善政侯

房瑄字次律河南人開元中由監察御史貶睦州  
司戶參軍始改置慈溪縣瑄首爲令相度營構皆

瑄爲之尚德化興利政流民四歸狡吏引去以治  
最顯嘗建橋於治南民識其蹟名之曰驄馬橋邑  
民立祠祀

陸明允字希夫吳郡人宣公贊之從子元和三年  
以集賢校理出爲奉化縣令悃悃無華視民如子  
屬歲大旱隣境人相食明允輯和其民振厚食以  
給道路之餓者全活數萬人治行爲天下第一復  
於龍潭潭壑壅石障水鑿渠引流下通廣平湖達于  
江漑田數千頃後名其堰曰資國渠曰新河至今

賴之在邑五年卒民立祠祀焉

宋錢億字延世漢乾祐二年判明州諸軍事宋建隆元年命億爲奉國軍節度使時歲旱下車甘雨隨至內和民兵外固封守市無二價路不拾遺浚廣德湖築塘岸周圍萬二千八百七十餘丈它山堰損億跽請于神增築全固卒諡康憲

張津以右朝散大夫直秘閣主管沿海制置司公事乾道間歷兩任舉鄉飲酒禮每歲以正月二日即州庠行釋菜之儀率僚佐與鄉士大夫及他方

之流寓者敘齒會拜于講堂三爵而退遂以爲常時惠光院嘗有妖僧塑神像納老烏其腹以術呪之禍福人以邀利民有灾患者不禱其神則不寧津知之追妖僧至庭下具得姦狀遣吏剖像果有烏焉斷其僧而逐之境外民以安息邦人立祠于學津初作四明圖經寔郡志所始也

程覃字會元提舉兩浙常平茶鹽權沿海制置司事嘉定六年蒞任以東錢湖它山堰灌溉甚博每患涇圯始置田租以所收歲給浚導者撥錢及田

造器服以勸學蠲海錯果蔬之征以惠民凡公府  
解舍城郭戎器倉場橋道以至鄉飲器具纖悉畢  
備人服其整

李夷庚由吏部員外郎直史館天禧中守明州精  
地理學以鎮明嶺爲府治案山增高數丈徙建州  
學文廟合于子城東北由是廟學聿新賢才輩出  
嘗宴三江亭望夷船戲以荔枝殼旋于酒杯其舟  
亦旋俄而舟定夷庚謂客曰此當有報亟坐疊卓  
下而閣州印于上俄有飛劍來折印一角遂起叱

怒沉殼杯中舟沉焉市有花樓神郡守初至嘗謁  
莫夷庚獨不屑一日過其市飄瓦中蓋左右曰此  
花樓神之靈也夷庚曰神果有靈今當毀之靈其  
何在人有諫者卒毀之浚東錢廣德二湖大興水  
利民立祠祀之

燕肅司封員外郎天聖中知明州民俗喜鬪肅下  
令獨罪先毆者其風遂息作蓮花漏于麗譙以候  
昏曉著海潮圖及論二篇

孫沔字元規郃之裔孫自奉化縣徙會稽少倜儻

立朝有風節及母喪既除超爲陝西都轉運使遷  
不欲遠去墳墓丐知明州許之皇祐三年以龍圖  
閣直學士蒞任尋徙徐州沔在言路切直敢言在  
攻呂夷簡比知杭州治姦僧猾民不少貸怨謗益  
起卒以御史沈起奏沔淫縱不檢酷暴濫刑落職  
復起沔居官以才力聞疆直少所憚然喜宴遊女  
色故中間坐廢人以是少之

錢公輔字君倚常州武進人少從胡翼之學有名  
吳中第進士甲科通判越州已復知明州時酒場

課額不足至役鄉民破產不供費公輔取酒場官  
鬻之分輕重以給役者不復調民後入朝知諫院  
王安石雅與之善旣得志排異已者公輔面折其  
非忤安石意罷諫職出知江寧府帝欲召還而安  
石沮之終不復用

曾鞏字子固建昌人號南豐先生熙寧中以度支  
員外郎守明州修州城程工賦材裁省十六其爲  
政務省民疾苦急姦強盜賊而寬弱貧每曰爲人  
害者不去則居人不寧十餘年歷六州素不附權

貴然善防患終亦莫能中傷浚明州西湖作廣德湖記通判越州作鑑湖記皆根極始末其恇恇爲民類若此也

韓晉卿元祐初知明州時差役法復行諸道多失於處置獨晉卿視民所宜而不決法旨

傳堯俞元祐初知明州有惠政清直一節始終不渝堯俞厚重寡言遇人不設城府人自不忍欺論事君前畧無回隱退與人言不復有矜異色熙寧三年至京師王安石素與之善力行新法謂之曰

舉朝紛紛俟君來久矣將以待制諫院處君堯俞曰世以新法不便誠如是當極論之安石愠之竟出之於外初自諫官補郡衆疑法令有未安者必所不從堯俞一切遵之曰君子素其位而行諫官有言責郡知守法而已嘗知徐州前守侵用公錢堯俞至爲償之未足而去後守移文堯俞使償之之攷實非堯俞所用卒不辯司馬光嘗謂邵雍曰清直勇之德人所難兼吾於欽之見焉雍曰欽之清而不耀直而不激勇而能溫是爲難爾

仇愈字泰然青州益都人大觀三年進士官至通  
議大夫寶文閣學士愈初令鄧城秩滿耆幼遮泣  
不得去後攝高密剖決如流事無淹夕民至懷餅  
餌以俟決遣又攝青州司錄當去邑氓擁歸縣廨  
然火警守愈由它道間走或追拜曰公舍我去我  
必使公復來它日白事郡庭忽數千人徑奪以歸  
守將不能遏時劇寇起相戒毋犯高密已而密卒  
叛亂獨呼曰無驚仇公也紹興五年爲沿海制置  
使時以寇亂分軍屯州城外明守與宰相厚善給

言士卒將爲變致遣精兵密捕其統制官徐文  
之初欲縱軍標掠頃之汎海去呼曰我以仇公故  
不殺人不焚屋廬一城晏然後改浙東宣撫使知  
明州以挫豪強獎善良爲理吏受賕雖一錢不貸  
豪猾斂跡州權兵火學校毀廢乃斥公帑百六十  
萬又巧於耆舊鄉老得錢八十萬益以賦入助其  
供給復權廢材而更新之買公田行鄉飲酒禮歲  
歉發官廚損其直民無死徙進秩一等已而加寶  
文閣學士陝西都轉運使時金人無故歸疆力陳

非策秦檜疾其異已落職已而金人果復陷所歸郡邑乃復待制再知明州一如初政其在州也嘗欲薦一幕官問曰君日費幾何對以十口之家日費二千余驚曰吾爲郡守費不及此屬僚所費倍之安得不貪遂止不薦後被讒退居奉化以田一百六畝歸于郡學爲養士費郡人祠之

范成大字致能吳郡人知明州當魏王爲守之後奏魏王國之懿親故得以時貢海物於兩宮臣外明臣不敢效尤孝宗從之成大立朝敢言如增市

絹之直論嚴刑之失抑漕司強取之數罷民兵戍役之苦皆其大者成大素有文名尤長於詩所著有石湖集攬轡錄桂海虞衡集行於世

程大昌紹熙初知明州會歲豐酒稅逾額有挾朝命請增額者大昌力拒曰某可去稅不可增也

胡榘以兵部尚書兼沿海制置使寶慶初知慶元府請得米一萬五千碩以浚東錢湖命水軍番上迭休且募七鄉之食水利者助役又奏以贏錢二萬八千三百四十七緡增置田畝以其入分漁戶

人歲給六石隨菱葑之生則薙而絕其種民懷其  
惠寶慶五年始成四明志二十一卷命錄事參軍  
廬陵羅璿取四明圖經重訂之文獻賴以有徵  
陳愷長樂人以中大夫秘閣修撰淳祐初知慶元  
府兼沿海制置副使興學造士勤恤民隱尤盡心  
水利建廻沙閘民甚利焉

章大醇以太府卿知慶元府兼制置副使淳祐十  
年以淘湖濬河竣事特轉朝奉大夫後又以居官  
不擾海道肅謐水利興修職事振舉除集賢殿修

撰

陳瓘字瑩市南劔州人第進士官監察御史紹聖  
初章惇以宰相召遇瓘訪以當世之務瓘喻乘舟  
偏重別白君子小人章曰司馬光姦邪所當先辨  
瓘曰誤矣乃爲之極論熙豐元祐之事瓘嘗見蔡  
京視日久而不瞬語人曰此人敢敵太陽他日得  
志必無君自肆瓘尋居諫垣遂攻京惡因謫合浦  
大觀間攝倅明州職田之入厚瓘一無所取悉籍  
于官以歸著四明尊堯集既卒之後高宗謂輔臣

曰陳瓘昔爲諫官具有讜議所著尊堯集明君臣之大義合於易天尊地卑及春秋尊王之義宜特賜諡以表之諡曰忠肅

吳潛字毅夫宣州寧國人嘉定十年舉進士第一出入朝省不常初以試工部侍郎知慶元府兼沿海制置使後復以觀文殿大學士沿海制置大使判慶元府首先加惠庠序篤意教養以學供日繁庖餼不足乃於常餼外日增給錢一百二十貫分齋造食官給權量俾齋隸各以時直取於市復撥

沒官田產歸之學以廣樂育嘗出所輯孔孟格言及鈞製存悔齋箴徧惠來學凡學計不續支移那給有請必俞諸生感之肖像祠于石室郡城不飭有憑城而樓觀者巡徼之途遂塞潛乃芟夷荆榛闕者補圮者埴低薄者崇益剏巡鋪寘卒以邏鬪建義和永豐朝京三門而甬水靈橋東渡悉繕治之先是制置使司歲調明溫台三郡民船防定海戍淮東京口船在籍者率多損失每按籍科調吏並緣爲姦民甚苦之潛立爲義船法令三郡部縣

各選鄉之有材力者以主團結如一都歲調三舟而有舟者五六十家則衆辦六舟半以應命半以自食其利有餘貲俾蓄以備來歲用凡丈尺有則印烙有文調用有時著爲成式其船專留江滸不時輪番下海巡綽船戶各欲保護鄉井競出大舟以聽調發且日於三江合兵民船閱之環海肅然設永平寨於夜飛山統以偏校餉以生券給以軍艦使漁戶有籍而行旅無虞設向頭寨外防倭屢內蔽京師又立烽燧分爲三路皆發軔於招寶山

一達大洋壁下山一達向頭寨一達本府看教亭從亭密傳一牌竟達轅帳而沿江沿海號火疾馳觀者悚懾故理宗諭之曰已書再考郡綱振飭海道肅清非虛語也潛尤究心水利於郡城平橋立水則刊平字於石視字之出沒爲啓閉遇淫潦輒委官啓閘泄水民免墊溺它山洪水灣隄崩河決卽其地爲三壩西七鄉無復旱暵之憂墾管山河導西江二百餘里之水匯于茅針硤鄞慈定皆沾其利已又硤鄞之棟木硤永豐硤開慶堰鄭郎堰

北津堰西渡築江東道頭以濟浮梁所不及堰慈  
谿之雙河使越人不得以隣爲壑堰黃家閘支浦  
又爲黃泥埭爲新堰爲新壩造高橋凡諸邑淤河  
淺港悉浚治之重修驛路至今有相公衢吳公塘  
之頌置永豐倉準常平之法建廣惠院一百五間  
合六廂之鰥寡孤獨瘖聾跛躄者三百人廩之開  
惠民藥局歲以春夏施其劑餌三年之間雨暘常  
愆期潛無時不禱有禱輒應屢致豐稔麥有三穗  
之瑞民甚德之嘗自爲詩曰數莖半黑半白髮一片

變晴憂雨心其懇惻如此潛憂先天下剛直敢言  
其所疏奏及與宰相論辯忠憤激烈皆人所不敢  
聞者先以忤時相罷奉祠旣而賈似道喻之不已  
安置循州乃除其私人劉宗申知循州屬以黃祖  
之事百計殺之潛預知死日語人曰吾將逝矣夜  
必風雷大作已而果然四鼓開霽撰遺表作詩頌  
端坐而逝循人咨嗟悲慟焉

鄭耕老紹興間教授郡學以興起斯文爲已任日  
進諸生講明聖賢大學之道言治必稱唐虞三代

文章簡古雅淡以韓歐爲則

魏新之字德夫睦之桐廬人宋咸淳辛未進士授慶元府教授考試永嘉竣事同列即治裝行新之問故皆曰士被黜者將生譁不如避之新之笑而獨留果有一士問狀辭色甚厲新之曰爾文固佳如犯不考何某行某字正係廟諱吾以筆圈之命左右取示之士慙沮引退在官以濂洛關閩正學爲已任推明中庸性道教與旨反覆殆盡初鄞士多宗金溪二陸之學聞新之之學翕然從之學錄

劉光尤所敬服嘗集解孝經自謂無所憾新之爲刊正十一條皆有關物則民彛之大者光不覺下拜德祐丙子元兵入臨安府游軍至鄞時學設兩教授號東西廳教授王樺懼甚曰吾儕死生決於今日矣新之從容答曰非止今日有生之初已定不若聽之顏色不少變

楊紘爲鄞令縣濱海惡少販魚鹽者羣居洲島掠商人財物入海紘設方畧使識者質惡少船及歸使給還所掠且戒諭之由是不敢爲盜

王安石慶曆七年爲鄞令在任好讀書爲文章二  
日一治縣事起隄堰決陂塘爲水陸之利貸穀于  
民立息以償興學校嚴保伍邑人德之熙寧初爲  
執政以其法推行天下海內騷然論者以爲奉行  
非人方域異宜而安石持之太堅也今縣之經綸  
閣及廣利寺崇法寺皆有祠

虞大寧熙寧八年知鄞縣事即北渡之南面風壩  
積石爲碶以却暴流納淡潮又自州之西隅距北  
津疏淀淤之舊增卑培薄以實故隄而作閘於其

南拒所除鹹水以便往來之舟東西管數鄉之堰  
碶隨以繕葺者凡六所用工一萬一千有奇溉田  
五百餘頃郡人舒亶記之

方軫字克載先閩之莆田人登元符季釜榜進士  
授太廟齋郎崇寧間上書疏蔡京罪謂其專以紹  
述熙豐之說爲自謀之計內而執政侍從外而帥  
臣監司皆其門人親戚元符末陛下嗣服忠義之  
士投暱者無日無之京分爲邪等黥配編置不齒  
仕籍則誰爲陛下言哉京又使子攸日以花木禽

鳥爲獻欲愚陛下使不知天下治亂臣以爲京必  
反也請誅京上以示京京取其疏自辯上令御史  
臺進攝取伏辯以聞付軫詔獄父通諸王府翊善  
詔罷職救軫貸命追毀出身以來文字編管嶺南  
尋放歸政和間復詣登聞鼓院進狀乞收權獨斷  
毋使國賊肆志上以軫長惡不悛編管永州後以  
收燕雲恩赦放歸靖康元年復收敘其父通尚在  
亦敘原官軫遷鄞縣令貧不能歸遂家於慈溪之  
鳴鶴山今循山而居者皆其裔云

陳良翰字邦彥赤城人紹興十七年以從事郎爲  
慈溪令以經術飾吏事天資高明操尚介特恢崇  
風化作成人材吏畏民愛諸司交薦除監察御史  
後爲諫議大夫給事中太子詹事

唐仲展金華人淳熙十六年爲慈溪令撫字勤勞  
民隱日舒斷獄無冤滯黠吏敬憚不敢姦法旣去  
民懷慕不已

王致遠永嘉人以父廕知慈溪縣嘉熙庚子浙東  
大饑死殍成丘致遠延請邑賢士大夫分僧寺置

局爲粥以食餓夫始日食千人既而隣氓全至日  
至八千人已俸不足復詣臺借助巨室以續之逮  
麥熟始罷尋置居養院給薪炭以處老弱之無歸  
者置慈幼院乳哺嬰孩之委棄者病與醫藥死爲  
歛埋山谷窮民感恩流涕稱爲王佛繪像祠之  
裴明允寶元初爲慈溪尉倜儻不羣雖處賤官有  
憂天下之心屢上書言事後又詣闕上書云漢成  
帝時梅福爲南昌尉屢從縣道上書言災異事求  
假輅傳詣行在所今臣欲效之上允其請

王中立其先自京兆徙閩州再徙姑蘇博學善詩  
文由慈溪尉遷松江知府有廉介聲所著有息菴  
寓齋穉隱三集子 璉璪皆顯官

梅寬夫字伯夫咸淳七年進士調慈溪尉德祐初  
攝知縣事寬夫率義勇應文天祥至常州戰死寬  
夫常師新安滕璿待考亭之學所著有溪堂講義  
刊于鄉校

季仁壽其先處州龍泉人後徙府城中用薦起教  
諭慈溪爲徵逋租新禮殿建教諭廳事部使者行

縣嚴急他教官獲  
非者相望唯器壽命往黃樓  
祭器之未完者設  
科試法以待後進鼓舞激厲惟  
恐有懈未幾有二  
士魁省試人多稱之

蕭世顯字道夫天  
禧二年任奉化令廉公節儉撫  
字心勞值境內大  
旱躬親禱雪循行阡陌問教民  
築隄捍水于長壽鄉鑿河五里引潮水以溉田次  
年又旱且蝗復出令  
教民捕蝗至長壽禽孝兩鄉  
界忽中瘋暴卒蓋  
飢瘁所致云民立祠祀之今為  
蕭王廟

于房定襄人景祐四年由祕書丞為奉化令守正  
不回尊賢禮下民以事至庭耳提面諭不倦務在  
懲惡勸善興利除害以厚風俗先是學宮湫隘乃  
毀夫人廟廣之自為之記云

周因字循道永嘉人前令池之子政和七年任奉  
化令興利除害仁愛洽於民移學宮濬靈濟泉置  
大堰聚堰於縣南道水至方勝堰復於縣北二十  
里置堰里人因名為長官堰溉田甚博遷謝公祠  
修慶登橋創嘉會橋亭民甚德之立祠祀焉名周

長官廟後改周南廟登祀典復祀於名宦祠云

宋晉之字正卿永嘉人為奉化令悃悃無華以儒

術飾吏事慶元二年率邑人汪份修建學舍樓宣

獻公為之記今祀於名宦祠云

馮多福無錫人嘉定四年知奉化事置義倉修學

校請蠲賦治水利惠政甚多立祠于學後龍津

館及登

盧萬字維遠英人紹定中為定海令後撫

以躬行為先甫月餘百廢具舉

田問俗行縣無間寒暑所至輒理詞訟咸得其情  
未期卒于官民哀悼之且憐其子之幼孤扶柩葬  
于定之孔浦立祠歲祀後其子神祐遂家焉

顧方字正夫丹陽人至和四年以進士令象山下

車視事日召父老詢民間利病民有善者勸之惡

者戒之建學舍率子弟之秀者教之親為講解誘

掖使進于學逾年政成士民悅服已而遘疾民為

祈禱者以千計及卒百姓悲號如喪考妣相與立

祠祀之

林旦字士明治平元年令象山寬厚有容優於文學通海西港板築縣城正社稷壇壝修學宮禮殿政尚平易民甚宜之嘗得疾民有割股肉以療之者政成別治西谷因茂林脩竹作爲亭榭以時登眺盛有題詠論者謂其政化可方中牟而襟宇灑然則浴沂之儔匹也尋遷監察御史劾李定不孝罷歸

許知新淳熙五年令象山治尚寬和爲民興利開千丈馬岡瑞龍三河以灌下洋之田利甚溥焉

陳善晉嘉定間令象山勸課農桑治先教化重修聖殿建會源碑百廢具舉四民樂業俗成禮讓晉之力也

元

完者都蒙古人襲世爵佩金虎符鎮慶元路剛斷有謀涉獵經史在職凡二十年營戍鎮靜島夷聞風懾服每祝曰小萬戶飛將軍願無再遇也臨政一以公道力行不疑有司畏憚不敢毫髮厲民以禮化俗天曆中拜浙東道宣慰司都元帥前職如

故至正五年以疾卒兵民相弔繪像以祭

王獻元元統元年爲浙東道宣慰使司副使僉都

元帥府事廉慎寬厚崇尚儒雅嘗被命審囚閱實

讞詳平反全活者衆省委董視市舶一以清白奉

行居官不求赫赫之名

秦不花字達兼善伯牙吾台氏先爲紹興總管入

史館遷禮部尚書翰林學士時相以隙出爲台州

路達魯花赤招安海島方國珍送款至正十一年

功陞授浙東道宣慰司都元帥而國珍復

花自分以死報國率師討之遣義士王大用往示

約信國珍拘之復突入海門犯馬鞍等山不花率

衆追擊過國珍遣其黨陳仲達來請降不花張受

降旗乘潮而前船膠沙不進與國珍弟國英船遇

呼仲達與語仲達目動不花覺其詐手斬之即前

搏賊船射死五人躍入船復斫死二人賊羣至欲

抱持過船不花瞋目叱之起奪賊刃又殺二人賊

攢槊刺之中頸死猶僵立不仆投屍海中年四十

九不花持身廉介素有大節初在郡有所廉察因

夜宿村家聞隣婦有娣姒夜績者娣曰夜寒如此  
我有瓶酒在牀下汝可分其清者留以奉姑下之  
濁者吾與爾飲之姒如其言起而注清者於他器  
已而語曰此達元帥也吾等不得嘗矣娣曰到底  
清邪遂笑而罷不花聞之未曙即去故其晚節愈  
勵清操至一介不取於人村婦之言迄今傳焉  
王元恭字居敬自號寧軒真定人後至元六年總  
管先在他郡能聲赫然郡民間其至老稚爭慶下  
車間民疾苦馭卒有威寬猛相濟興學校作杏壇

詠歸亭飾從祀像

酒禮買地為義阡

以便漕運至正二年

祐志並刻以傳去

郭郁泰定二年總

役法措置食鹽綜

弟子員徵逋租摺

轉運使浙東都事

苦思丁至順二年

廩不給徵逋贍之舉行鄉飲

火化之俗作石馬道于江次

復成四明續志十二卷與延

任朱文剛為撰去思碑

官明敏有才畧在郡正賦籍定

理倉庫皆有法修孔子廟飭教

浮費至學廩不能容後除福建

曹愚為撰去思碑

慶元路總管飲水食槩始終一

致化行民安如春  
方畧會計悉當歲  
漕戶不相謀紛然  
秩滿除兩淮運使

陽育物而無跡嘗監商賦爲設  
漕運米物萬斛筦倉庾者或與  
生事思丁出之如納咸服其便

丘楠字彥材永嘉  
行省左丞左荅納

人至正中以戶部主事從江浙

自輔國珍爲請于

失里同討方國珍旣效順留楠  
朝歷仕江浙分省理問行樞密

院副使慶元路總

官竭誠贊畫保障地方 國朝

丁未大軍臨城國

珍竄入海楠告以天命有歸國

珍遂降明年改元洪武楠在俘馘 高皇帝素聞

其名特命原之謫居廬州未幾召除工部員外郎  
改知韶州府坐事戍西涼旣老得代歸省道經四  
明卒于定水寺墓于寺傍

阿般圖字嗣昌蒙古族斡吉剌氏翰林學士咬住

之子寬仁惠和愛賢好士至正九年以總管下車  
首謁學廟募工修葺殿廡儀像無不完整四方來  
學至不能容行鄉飲禮意在化民成俗嚴惰農之  
戒峻遊食之禁清詞訟之源抑豪強伸寡弱立歲

輸教條民免桀黠之奪時海寇剽掠隣境重以旱  
曠嗣昌力任其事調財用完城郭率富民義廩以  
贍軍士發常平之粟以惠貧乏已而天大雨乃復  
有秋治家尤嚴晨出必鑰其戶僮僕無敢踰閤  
三載赴薦民不忍其去爲立去思碑

何槐孫字德孚蜀郡人至正二年由宜黃尹來任  
總管府推官持身簡潔慎刑恤民其聽詰未嘗以  
敲耳色厲人委曲周旋務得其情故多所平反嘗著  
治指南行于世郡民懷其德請于教授陳廷言

記之

黃裳字景杜眉州人至元二十二年教授郡學學  
行老成人多重之

蘇埜字伯清眉山入至大元年教授郡學善書工  
詞藻德望偉然

卓琰三山人至大四年教授郡學織學工文作新  
啓迪寒暑不懈由是生徒奮發賢才輩出

薛基字德載河東人延祐三年教授郡學德性淵  
宏問學該博爲文章體格高古旨趣深遠與三山

卓琰並稱于時

朱文剛字明德天台人至正二年教授郡學老於文學名重當時其文載之碑刻歷歷可考

阮申之字周翰池陽人先爲黃巖瑞安二州同知有能聲泰定初爲鄞令持身廉簡爲政有法在職十一年百廢具舉民不見吏邑人程端學爲撰去思碑

許廣大字具瞻天台人登進士第授慶元路烏國州判官再授武藝縣尹俱以廉能聞丁母憂去

九年調知鄞縣平差役嚴程限有事不遣吏卒惟親署一帖俾相傳遍民視署緩急無不至如約者有訴訟必親辯折吏莫能售其姦新先聖廟復甬東書院禮耆德獎拔後進士習爲之一變十三年夏旱躬禱天井龍潭泣拜良久龍於中流出一爪拳巖石上光耀閃爍衆皆禡鬼下山未半雷雨大至廣大冒雨露跣匍匐入城明日四郊霑足民歌頌之

周仔肩同進士出身延祐七年爲鄞丞律已廉介

科役均平動息究心民瘼會國家申嚴役法豪右以他名數自占者毋敢弗與仔肩進父老具宣德意立義役法于是縣西南五十里林村之民次當受役者三十有五家首相與謀眊物力之厚薄各捐已橐得錢七千五百緡爲子本推執事者五人操其奇贏以供百役之費而存其母常勿絕復推其中五人日詣有司以聽徵令歲終則更休焉於是橫徵者有所畏民甚便之

富德庸濟南人至元二十五年宰慈溪下車即念

曰賦役有常經簿書期會有常程孔道送迎有常式惟橫民爲百姓患苦此吾政所當急者輒下令禁諭摘其尤不悛者而重法之間里以寧已又恐民之不樂於猛也而時弛張之人益以安時學校毀廢乃植蠲役之碑擇訓蒙之師政暇輒身親課督絃誦洋洋比於鄒魯慈湖山長曹漢炎作碑頌之曰譁健革而犷狂清疆畎覈而丁黃羨田萊闢而農桑勸此公之治狀著於途碑里詠者也若其蒞政之精勤臨事之敏決斷聽之詳明特其游刃

之餘緒耳

陳麟字文昭永嘉人少貧窶爲吏年三十始立志讀書登至正甲午第授慈溪縣尹撫摩窮困斥逐豪強民被其惠時邁里古思在越禿堅帖木兒在餘姚皆以能名與麟號浙東三傑僧法匡交結臺省麟以事實之法御史大夫納麟改置南行臺于越其子安安與僧素交視篆初即俾其徒訴寃移文逮麟甚急麟言曰臺官天子耳目天下之事多有可理者今江南諸道大半淪喪宜思振臺綱

肅風紀何獨注意於釋氏邪納麟愧而止會方國珍據慶元開府威勢日熾屬邑皆奉承恐後麟獨與抗國珍執之欲殺不果羈縻于佺山上尋又寘城中朝廷屢遷至中順大夫秘書監丞不赴

白桂字子芳真定人至正間主慈溪簿新縣治興學校弭災救患殫竭心力監賦則課有羨餘治訟則獄無寃滯民咸德之編修葉恒爲去思碑伯顏察兒字彬卿由蒙古胄監生至正間主簿慈溪勤於奉公切於愛民嘗三督漕運歷風濤之險

事每先集歲饑勸閭右出粟平糴民無菜色鄰邑  
寇發掩捕有方境內肅然  
丁濟字漑之高郵人先爲寧國尹忽白晝磚石飛  
空而下破屋傷人如是者累日民白之官其丞簿  
但相視愕然而已濟曰姦民弄法縣官之責強鬼  
與妖城隍之過也遂檄城隍約三日不已將罪爾  
神未幾果附人至庭稽首服罪自後妖不復作邑  
人呼爲治鬼縣尹及尹奉化興文教恤民情衆務  
悉舉凡公論所在一判不動至今民稱之曰丁相

### 公判一字

察罕蒙古氏元貞二年授奉化州達魯花赤視事  
初觀者塞閭巷乃集吏民諭之曰政者正也我懼  
不能正已以正人耳聞者惕然時民困重役歲課  
浩繁温詞勸勵率皆辦集其彰善雉惡修廢舉墜  
不可殫紀嘗有一村民親喪貧不能舉買妻於吏  
家法當坐罪事覺追逮其夫具以情告遂原其罪  
出俸錢給之  
木八刺翼寧人阿刺渾氏皇慶元年爲奉化州達

魯花赤性慈祥愷弟節截正直自下車一筆不施而吏民畏服次年建州治修州誌規模宏遠民不能忘嘗坐罪事廢其夫具心靜其罪馬稱德字致遠廣平人延祐六年知奉化州務本崇儉義倉之積至八千餘石墾荒田十三頃桑以畦計者三千九百創本學尊經閣備大成樂立鄉學六十餘所他若理財聽訟規模井井令行禁止修廢舉墜不可殫記所樹立皆數百年之規李洵孫爲撰去思碑

奧林西域人端重寡言好讀書能文章至正癸巳知奉化州下車即汰去冗胥溢卒疏理冤滯註誤田野絕巡捕之跡時歲荐饑餓草載道請未得報亟傾官廩以濟及事有利害欲罷行之輒白太府率多聽許民賴以安

李樞字元中河東人至正庚子知奉化州以德導民趣浮末者哀矜示辱治獄必正本清源未嘗少假聲色浚市河實田廩修孔子廟新尊經閣修奉川驛善政洋溢時有麥秀兩岐迅雷震虎之應民

至今稱之  
于伯顏字九思荆丘人大德七年守奉化州專以  
忠厚文雅撫柔輿弱銷沮囂競一年而笞榜輕再  
年符移清三年科徭平流逋還歸凋瘵完復民甚  
德之剡源戴表元為之記  
程時敏字子方東平人至大元年判奉化州事謙  
恭下士平易近民興廣學廟舉行鄉飲一筆不施  
而百需坐辦壬頌丕變民皆稱之海陰陳嵩伯為  
之碑

李仕元字景文雲中人至正八年判奉化州事幹  
濟有方廉能有聲時海內多事委任叢至仕元居  
攝盡誠出使未嘗辱命凡可以絕長補短賑貸恤  
民者無所顧慮時譽翕然民懷其惠天台胡世佐  
記之

吉雅謨丁至正十七年舉進士授定海令當方氏  
僭據軍卒驕橫剽掠村落丁不避豪勢獲其渠魁  
一人格殺之餘衆斂迹民賴以安時政賦煩苛一  
以公平科辦民無重擾陞奉化州知州尋調昌國

卒于官

汪汝懋字以敬桐廬人至正間爲定海令撫字以誠推讞審允嘗有鄞人懷銀器一囊道經楊木堰日暮寓宿陳初家初殺之納屍空塚中埋器于地後捕訊于官久而不服汝懋下車即廉知實狀民服其明天早徒跣行五十里詣慈溪十龜潭禱之乃雨歲轉而稔暇日著山居四要築清心亭於縣陰爲退息之所復於學宮之東創光霽亭時吟咏其間致仕卒於鄞

張原楷字公異宋中書令知白之後也自幼穎異志操清慎精毛詩至正辛卯授象山縣學教諭身範物先口授經義端嚴持重人不得干以私與王厚孫皆有時名後先教象象人咸知嚮方彬彬稱鄒魯矣晚結樓於鄞城之東爲懋息所遂家焉

國朝

湯和鳳陽人吳元年以御史大夫率師拓地東南至曹娥方國珍守將王若毅棄上虞遯至餘姚守將龍霖亦遯國珍聞風怖懾遂駕舟竄海餘黨悉

奔台溫三日和先鋒至州民老稚相率郊迎明日  
和入城即出榜遠近撫民戢兵封倉庫置關鑰改  
慶元路爲明州府市肆不易士民晏然已而國珍  
來降俘送于朝和分遣平章廖永忠南平福建  
會駙馬都尉王恭來守郡和遂還朝洪武二十年  
命和巡行海徼因其衝要改創諸衛所巡檢司城  
壕皆親爲指畫民不知勞均田平賦至于今人咸  
戴之

文昇字子俊鎮江人洪武十二年明州府知府

承前守唐蔚嚴峻之後更尚寬恕務以興利革弊  
爲已任選用廉吏敦勸農桑嚴堂試興水利咸有  
實效除積年苗糧革四明驛冗船二艘以其夫戶  
充別役每坊舊設巡警舖夫以防火盜率以貧乏  
者充之不逮富者乃驗丁編次不分役占悉令直  
宿質明則縱使經營前此民輸稅糧必使畸零者  
併百十石爲一單方與收納故有包攬之弊乃令  
民自五斗以上皆自入倉到即納之文昇躬親驗  
筭籌筆未嘗去手就倉兼理郡事終日畧無倦色

洪武十二年召陞工部尚書

王璉字器之莒州日照人學通經史長於春秋初任教授謫遠方洪武末以賢能薦授寧波知府清儉律已平易近民杜私謁革吏弊每夜四鼓升堂秉燭讀書聲聞於外或即詣學課諸生諸生必三鼓赴學無間泮池舊惟一石梁乃捐俸增建左右二梁以崇偉觀遇驟雨必躬詣學廵倉視其漏濕輒用蜃灰識而葺之毀三皇及諸淫祠或以殃譴爲戒璉曰如其有靈宜降割我躬不汝累也政教

兼舉德化大行五邑變俗焉身奉儉約一日饌用

魚肉不識吾意更不慮食

首命左有散而瘞之人稱埋羹太守時武

職璉璉治之洪武壬午璉起造船欲

勸王軍衛以怨故縛請罪贖還鄉璉

之任也行李蕭然父老進贖命民至今

稱之

上蔡人永樂元年知府事器是恆鄭廉公

不避勢要吏民女真者收至庭下皆股栗弗

獲作免自是人知畏法詞訟簡息浦考陞四川

政

魏宗字本敬南平人。年儀尚寬恕有幹濟材由  
國子之任台州府同知。廣州府知府永樂七年  
調。時久闕郡政多不舉宗至則詢民情察  
利害之緩急。之尤籍役額驗民丁稅之數  
以多。其富者左榜示通衢由是民知定役里胥  
莫能。如嘗置櫬座側訟至則納詞於其中以  
次推。一出已斷輕重不失五邑之民間風向化

有獄空之頌

李希玉閩人永樂十三年進士除戶部主事

宣德庚戌奉 敕守郡簡重寡默聰敏過人興舉

學校拓其地而一新之每蒞政畢輒至明倫堂與

諸生質難可否獎其良者而不率者懲之凡公府

列署猥及倉場橋梁硯之屬罔不飭治條減織

染弓張二局及諸色歲辦物價均節賦力而汰其

浮羨一切老胥猾吏乾沒出入之姦盡縮手以避

禁絕軍兵邏捕之擾警柝不聞而盜賊自息鞠獄

善探情僞片言立決懸令設科人自畏懼不犯囹圄以空初以母憂去已復蒞郡始終一節民到于今稱之珞案牘之暇手不釋卷時寄興吟咏禮賢下問不以人廢言即布衣浮屠有識治理者時延訪之談論竟日蓋莫不輸心焉 國初責重守令綱領之郡間以重書從事治效尤為顯赫珞其一也

張瓚字宗器華感人由進士天順四年以工部郎中出守太原改任寧波初奏市舶少監福住假以

進奉尅剝害民并不法諸事彼此相訐瓚在官無私乃竟得直人以是多其風力興學校表鄉賢修郡志建立甚多善詩賦諸所題詠殆徧境內歷陞浙江左布政漕運都御史改撫四川

張賑字弘濟祥符人由進士成化七年以戶部郎中知寧波府敢敏有為性矯亢棘棘不阿人以事至前有不可者輒憤形于色人呼為鯁鼻張云守郡六稔民用輯寧加意學校凡殿廡膳堂寢舍皆一新之又購民徙居以闢衢道樹兩坊表於東西

十三年以天旱禱雨過求社神得暴疾卒至今人  
頌其烈

姜昂字恒頤蘇之崑山人成化壬辰進士除知縣  
拜監察御史陞河南知府改知寧波風神怡曠灑  
然出塵於外物絕無慕好其為政也惻愍無華凡  
釣名市恩之術一切不以屑意力行勤約導率其  
屬薄賦緩刑與民以約信從事捕吏不入於鄉孜  
孜問民所疾苦而興罷之不異嬰劾之乳哺也故  
民亦戴之如父母云平生正直不阿每臺察藩

行部未嘗一屈其膝有中官以市舶至怙勢張甚  
衆謂宜加遜抑竟不為動乃其人亦愧服焉事母  
極孝板輿迎養容色不惰每日市肉一斤以供母  
饌自奉則惟啖蔬素而已時其子來覲囊無長物  
止以所積薪夫馬丁之餘資之以歸戒之曰勿謂  
此可妄費此亦贓也故其時門庭如洗餉遺絕跡  
而私有干請者亦聞風縮瑟僚吏莫不憚服罔有  
數紀而殖貨者蓋不徒以其威也在任踰年政飭  
民安築無事亭寄興吟咏以坐鎮浮靡然日切尊

鱸之思每踞請母夫人以容色裁取進止及陞福建參政遂浩然乞歸杜門却掃吾鄞朱廷璧素以風節相高後以巡撫蒞蘇固求一見竟不可得其風操介特皆此類也

伍符字朝信江西安福人第進士弘治十一年由刑部郎中守郡才猷肅給遇事立辦自公庭以至署邑莫不井井諸以事至前者欲有所原貸輒爲之籌畫弗當於意則笑而決之故人願逢之而不願逢其笑也時有監生袁孟恪壻之

實家累貲鉅萬豪於閭里殺人無忌積多而怨卒莫敢訴已乃有楊道人橫被捶死其家冒死訴之捕弗能得符以計擒致盡發其姦遂正典刑又有楊大王者怙勢殺人時諸楊方盛莫敢誰何符督縣令親捕之繫獄而死自是豪右歛跡闔郡稱快嘗以事至藩司一從事守門銜其無賂也而以計挫之未幾陞本司參政從事懼而避符使人呼之曰若等足與治邪來則宥之否者且捕其家從事乃返卒不之罪論者以方韓安國之待田甲云

仕終巡撫都御史

張津字廣漢廣州博羅人弘治間進士爲監察御史有聲時內孽肆亂以直諫免官家居正德六年起守四明才識高邁廉仁而公直諸務猥至不動聲色而倉卒立辨期年道無豪袂里無吠尾權貴歛戢姦黠用良時市舶中貴縱其左右頗怙勢不檢悉以法繩束之不少貸假中貴人不能平卒亦無如之何津自奉儉薄其視民不啻其骨髓郡嘗大旱齋戒祈神輒屏車蓋曝赤日中汗蒸蒸出布

衣草屨徒步行六十里詣天井靈湫禱焉比返雨隨車如注一夕霑足轉而爲穰島夷以朝貢爲由歲益數至至則民大騷津悉裁以國憲經畫供億不絲髮干於民民不知有夷夷亦用大畏服民樂其政而憂其去每監司至則相與稽顙車下丐借寇於朝已而遷山東叅政未幾擢僉都御史提兵大江終戶部侍郎四明父老立生祠祀之

林富字守仁號省吾莆人以進士拜南京大理評事正德七年擢守寧波治事縝密纖悉務中於程

然雅不樂爲苛棘可喜之事性尤愷弟孜孜察民  
隱而拯卹之時廣德湖田科額繁重民不堪命儒  
士楊欽累奏湖田五隅定減額賦二萬八千餘碩  
乞如花嶼湖全折之例未有成命富至力主斯議  
卒得所請五隅之民爲立祠祀焉富加意庠序於  
士類多所識拔衡鑑不爽未幾以憂去民思之如  
博羅張公焉後官至右都御史

翟唐字堯佐大名人第進士爲御史以敢諫有聲  
正德十年蒞郡甫下車即條布教令以表正風俗

爲先務 文廟丁祭始用道士樂歌崇鄉飲禮治  
舉其太其初政可驟見若此性嚴毅不撓於豪猾  
一無所假時市舶太監梁瑤亂法擾民遂舉憲典  
束持之因而奏訐瑤納賂其黨遣禁校逮捕焉百  
姓奔走哭泣如喪考妣適道留之不得左遷嵩明

州

寇天敘字子惇榆次人進士正德十二年以大理  
寺正陞任廉明剛正以經術飭吏治常以視民如  
子處官如家題座隅以自勗政尚大體務在滌除

弄法舞文之姦不屑纖纖小苛甫下車即物色賢士大夫而疏擯其溷濁者遇有干請即權貴人亦拂衣而起其人終不得竟其說自後稍稍相戒不得以私語輒至於庭考論先賢以植人紀正風化不厲威嚴而一郡大治嘗奉父宦邸生日爲具果饌延鄉士夫奔走執爵跪而上壽不異田間兒豎子也論者以爲此可以觀孝已而以廷薦擢應天府丞巡撫三邊終兵部侍郎

揚最字殿之四川射洪人平生清苦介特以進士歷官工部郎中監稅兩浙管理河道以廉能著聞嘉靖四年出守四明不以家累自隨止携一敝篋與一蒼頭而至旦暮舉炊惟治蔬菽啖之魚肉不入其厨釜可弗滌也布衣褐服浣濯屢屢未嘗一御鮮好如是者凡三年精誠貫金石節操勵冰雪雖震畏四知秉去三惑不是過也勤於聽斷夙夜不懈案無留牘獄無滯訟雅疾豪右而閔恤孤弱諸所訊決雖未必盡平而人以爲仁心自然不虐無告蓋其素所蓄積然也負性剛果不計禍福成

敗以故抗顏舒氣不能骫骳以媚人當道深心疾  
之竟調黃州去之日父老擁道遮留不可得則相  
向大慟已而留其履履與襪盡穿孔也則又大慟  
為立生祠祀焉後陟大僕卿以諫諫死士論至今  
傷之

高第字公次四川綿州人由甲戌進士出宰長洲  
長洲故劇邑即素稱果練猶多曠闕第時方弱冠  
剽繁理錯殊不經意而六事具舉復以餘力諷誦  
墳索紆詞展藻流播人間吳中才俊多自以為不

及也歷南京吏部驗封郎中守明政舉大綱惟以  
安民使吏為事不纖纖小苛尤加意庠序擇秀才  
異等而時課肄之士以大奮至兢兢篋篋無一介  
緇垢則華顛黃口所共欽譽者也已而升雲南副  
使備兵臨安詰武安民樹百年之畫井井矣人方  
以公輔期之而亢志泉石遂拂衣而歸居常跣坐  
密室游神虛玄不與俗駕相追逐或入深山長谷  
見烟雲水石之奇輒結菅蒯以為棲與寒禪野叟  
探薇蕨而食之至數月忘返亦時時繹玩圖籍貫

穿百家率能舉其旨要有請丐詞翰者輒舒毫應之要皆大雅之音也間與當道纓紳談說時政若邊徼之險夷朝廷之紀綱都邑之錯列孰利當興孰弊當革一一如指掌此豈果於忘世者哉薦剡屢膺而卒謝不起人多惜之

柯相字元卿池州人進士嘉靖十一年以南吏科給事中陞任條章振飭百廢具興每朔望視學進諸生問難可否懲勸其良弗率者士精其學而民俗安之又悉心水利謹其墾闢修浚東錢湖售葑

去淺民無旱暵之憂以剛直忤人調守武昌終死撫河南都御史

曹誥字仲文湖廣黃岡人第進士由南京刑部郎中嘉靖十六年來守郡沉毅質厚不事浮夸以冰檠自持即細小物無所求於市厲精民事洞悉閭閻困悴之狀每施令布政惟恐傷之訊刺鞠斷尤所留心每日質明輒衣冠坐堂上唱衙畢即令六曹吏各抱文書次第呈上一一諦視須發行者即為僉印走郵傳已乃令吏退舍凡大小獄須訊鞠

者則備閱成案參稽虛實而後訊之即纖細不以  
委諸胥史亦未嘗有所誰何日午則飯堂上亦止  
啖蔬素而已薄暝退休日以爲常其所論決無弗  
當於情者初不以豪孱有所軒輊故小民茹德而  
豪勢人頗銜之交際飲燕率從菲節或以簡傲譏  
焉

黃昌字景文臨川人成化丁未進士弘治八年以  
兩浙轉運判官陞同知在任清苦勤幹人不能堪  
與郡守姜公同時人稱一臺二妙

繼賢莆田人始爲徽州判清淨守法不撓權  
權勢人深心銜之嘉靖辛卯秋遷丞寧波會空朝  
京而繼賢署篆夙興視事竟日不倦諸所決獄一  
言立斷大小皆得其情民以是呼爲林青天云二  
三月間訟牒一清在衙祇一僕不携妻孥俸入外  
無所私分毫敝袍布被食麤啖蔬未嘗一支行鋪  
物約已安民民不知有官府也闔郡熙熙方賴其  
庇而徼權勢者竟考繼賢目疾罷去蓋繼賢一目  
眇故以此中之民擁道號哭如失父母云

沈希達字時用蘇之長洲人成化丁酉領鄉薦弘治十一年任府通判先時倭夷入貢道寧波郡人利與市易不虞其譴也已而自京師還僞券紛然無所辨鎮巡藩臬皆難之適委希達乃召夷衆諭以善惡禍福顯有徵應大書天理人心萬里海面八字懸之夷人氣懾吐實乃折僞券償實負民夷悅服當道賢之廳署諸邑一毫無所苟取雅性狷潔不能隨時俯仰致政而歸圖書蕭然

梅應魁

威遠人洪武三十四年爲郡推官惟務實

恤不事苛刻聽決獄訟善探情僞時鄞邑民邵觀奴妻陸氏潛之毋家其毋辛氏匿之反誣壻殺之訴於邑觀奴逮捕不勝拷掠遂自誣伏然無跡可徵久不能決上于府移應魁鞫之乃併繫辛氏於獄未得其情一日辛之少女來饋命收於僻處給之曰姊何不出令汝來饋引而至是其人爲誰女懼乃漏言曰姊在某處令某同來探毋消息耳於是具得其實亟捕陸氏明日出示辛竟服罪邦人稱之永樂二年赴求賢薦仕終布政使

陳克昌潮州人由監生宣德七年爲郡推官端謹  
重厚操持清白詳讞平恕吏無容姦後陞監察御  
史史氏載言曰朱欽字懋恭邵武人成化壬辰進士任郡推官潔  
白自持訊讞詳盡好學有文舉動執禮嘗修宅山  
堰浚沙港以興水利民甚德之巡撫張公旌以詩  
曰捍潮有力能回海立政無私可問天以異等召  
拜御史累官至副都御史巡撫山東首劾去方面  
不法者數人時逆瑾遣使索綵繒五百呵使者不

應遂與瑾隙會瑾疾同監王岳謫守陵抵臨清賜  
死欽舉奏瑾惡詞甚切直瑾以事中欽械至京免  
官尋復罰米輸邊瑾誅乃解所著有畏菴集

陳達字德英福州閩縣人弘治乙丑進士正德二  
年爲郡推官時方踰弱冠吏胥頗易之達用心訊  
鞫獄詞明允如老吏然吏胥懾服不敢爲姦操持  
慎恪即尺寸不苟以廉能顯名擢兵部武選主事  
仕終山西巡撫都御史

陳中立祁門人由舉人令山東滕縣以質直爭疑

獄忤上官嘉靖戊戌改教寧波崇尚忠實不為虛飾而表裏洞見無幾微回互士有不可即面折不為後言終無留匿絕不以禮際為私好惡時訪貧士推所有周之其教不督人於卯酉升散之間而甄別課業人咸推服至於今稱之

陸奎章字子翰武進人詹事簡之子幼雋異好讀古書時擬諸名家為文有昌黎陸機風致貢上南宮為司成崔銑所知上感遇詩三十首大見器重領嘉靖戊子薦除知武康改泰寧不樂簿書期會

事改寧波教授至則出平生所治舉子業與諸生訂可否卓有程式已復擇博洽雋異者與朝夕論難居常手不釋卷或諷其督責太寬者則曰此漁士之圃也吾恥為之吾與諸秀敏者朝夕誦肄即不能者可勉他何為哉在學有陸詩別傳十二卷道在編三卷擬策問二卷所論著皆有古意諸生稱文行必曰陸東坤先生

著先是象山知縣



無賴亨察其尤者勒罷之遴選稅戶子弟才俊者補充皆隨其長授以所掌先是徵收物料皆從解人折收高價民不勝病乃置科尺于廳事及創架閣庫躬自科量出納民咸稱平置三思牌刻以誠詞曰諄諭邑中愚民得息詞訟且息不忍一時小忿後雖悔之何及遇健訟者俾諦視之多悔悟願罷去故一時官無冗案民無橫擾亨機悟明敏人莫能欺民有治圃給食者茄初熟隣人竊而鬻於市民追奪之兩訴於縣命傾其茄於庭笑曰汝

真爲盜矣果爲汝茄肯於初熟時併摘其小者邪遂服罪又二軍籠二鷺經西門入道逢民家鷺群取其二併納籠中民踵其後來訴亨訊之軍曰四鷺皆買于慈溪又問飼以何物曰糠粃問民則曰常放之野所食者草耳頃之鷺糞庭下糠草異驗二軍不能對其明斷多類此宋樂初元以父喪去職後陞蘇州同知民至今慕之

胡敏字銳之定遠人由監生宣德六年尹鄞性剛才敏不撓權勢時政中靡花石之綱鷹犬之使歲

無虛日兼之衛所恣行剽掠充斥城圍敏檢察非  
法平賦簡役積困始蘇室家相保安於樹藝頌聲  
翕然以內艱去民赴闕保留復任陞監察御史

楊壽忻州人由監生授鄆縣知縣矚然自持勤於  
撫字以嚴厲制強暴以寬和待良善作新士類徵  
科以時而稅無逋負正統元年考滿父老遮道挽  
留不可得脫其履懸於信義坊柱以表去思云陞  
戶部主事

張信字習之徐州人成化十年以進士爲鄆令性  
敏達過人尤長政事剛毅有執卓有風裁鋤殘孽  
右善良賴以植立遷南京刑部主事

曾直字叔溫吉水人進士弘治十七年知鄆縣廉  
直勤事簡樸不華尤善處權要婉而不阿獄無留  
滯公庭簡靜聞若無人先是里甲買辦費出無經  
爲之什損七八一切賦役條定計額輒籍其算目  
徧榜村閭即老胥猾吏不得緣以爲姦博求邑中  
典故如東湖水利究心尤悉且從容接引後進增  
設縣學鄉賢名宦二祠旣而以憂去民有曾直再

宋人有眼之謠去後之思久而不忘累官至大理  
卿以清操聞於天下

劉宗仁字容甫大名人嘉靖二年進士來知鄞縣  
從政有體嚴而不苛與民不煦煦市恩而聚欲去  
惡夙夜孜孜聽訟明決片言不移人稱爲劉鐵尺  
間有以非意相于者未嘗忿憤然請謁終亦弗入  
也三年政事修明百廢具舉當道屢旌之召拜南  
京監察御史

沈繼美字子充四川保寧守禦所人進士爲吏科  
給事中以言事謫海鹽丞嘉靖十六年陞任人謂  
諫官遷謫必赫赫樹風采顧獨畧去邊幅與民以  
簡易從事一切寬不得直役不得平者皆得直至  
其庭面陳患苦悉與疏決務在各安其業毋相吞  
啗民甚宜之居常布衣蔬食燕坐恬然事有定體  
而政亦修舉陞南禮部主事歷轉浙江叅政已而  
不祿人咸惜之

徐易字希文永豐人進士嘉靖二十四年令鄞質  
性溫恭恂恂如書生而才猷敏給遇事立斷初至

吏胥瞰其青年以一二隱事嘗試之應之悉中肯綮遂相戒弗得爲諛通變執方恩威並用庭無留獄賦無逋輸時值荐饑死徙載道請發庾帑以賑之又奏蠲常賦之不能供者日本島夷莫不俟期白當道曰此姦人利於互市而誘致之耳不却亂將作矣且吾民不可重困也卒却之已而夷患繹騷人謂其有先見云三載召爲刑科給事中未幾遽卒人咸傷之

丁袍字天袞豐城人由監生正德元年以薦遷鄆縣丞事上臨下一以其誠雪誤罹死獄者七人海運遭風連及數十人頗年拘繫得其情爲申釋之尋以母病乞歸人謂郡乘周仔肩以後幾二百年僅一見此廉吏也

謝洞字宗達福建晉江人少游鄉校聘定其室旣而女氏目疾喪明其父母不願歸曰毋溷少年生也洞咨于母竟成伉儷生子及舉鄉試乙榜署鄆縣教諭其妻告姑曰幸命子置妾隨侍瞽婦累夫決不同往後居鄆二載迎致學廨相敬不異嘉賓

學行介特陞府同知

王奎臨川人嘉靖丙申以選貢來諭於鄞風致清雅英標動人而禮度從裕足風樵朴嘗曰吾於諸友繫籍師也鄞故文淵藝圃假吾教爲哉惟欲與諸生敦本懋學希踪古人耳士皆翕然向方有不虔者專引過自歸惓惓接引賢愚皆飲其醇咸以模範歸之

張鵬字于南廣東東莞人由舉人任鄞縣儒學訓導平易恬靜勤學博古與諸生亶亶講論皆天理

道義一切利欲未嘗一置諸口時節饋遺俱辭不受諸生貧者力爲資助士論以古人目之年五十未有子廳事前忽產二笋越三日倩闍一乳二子時以爲純德所致郡中以雙笋呈瑞詩文爲賀後陞蕪湖大尹

補



貢茶省費剔蠹民間謠曰買使君真仁人新茶一斤稱一斤天順壬午藩臬以廉能交薦拜監察御史仕至都御史

**龍伯**江西人成化初來知縣事不尚深刻履行坦然至馭吏則甚嚴未嘗少假辭色有過則以律按治一時吏皆守法銷革宿弊簡薄徭役境內肅然其聽訟則却狀止令口訴狡猾之徒無以文飾悉得其情由是民思遠罪囹圄常空

**陳孜**字勉學山西人由進士成化間擢知本邑寬大長者損己厚民時姦人有不快於孜者欲激怒郡守張賑乃摘府中私事造不根語為牒署孜名假縣印以申於府張得之果大怒召孜窘辱百端孜不為動後竟得白守乃自慙孜亦不以自幸名稱由是益起入內臺為御史仕至布政使

**和鵬**字大舉山西人丁未進士鵬性質堅凝不為物累勞身率下如建學校葺廨宇取材聚斲皆躬為處畫故民不令而自勸廉潔出於天性不假矯飾居職久而益貧後以母喪去任至鬻衣以資行

人多憐之官至僉事以忠孝名世  
胡瓊字國華福建延平人由進士為慈谿令廉隅自持棘棘不阿而立心公恕斷獄明審尤振作學校品題士子優劣不爽律佐貳制羣小不得干紀弋貨閭落晏然不見勾捕之擾在邑三年賊盜遠屏民皆安堵召為監察御史以言事杖死自幸  
葉竦字喬新江西撫州人由進士初授龍泉縣令以才調慈谿初至輒杜干謁止饋獻爬剔姦蠹一無假借會夏旱祈雨責躬誓神徒步以禱不終日

大雨若注西郊沾足遂有秋市井火發亟走其所長跣籲天火亦隨滅民甚德之未幾以憂去民至今思之

王德溢福建連江人由進士知慈谿縣曾次灑落清介自持尤振作學校謙恭下士以鳴鶴一鄉去縣治特遠盜賊充斥每親蒞其所糾察緝獲旬月間盜遂屏迹又擇其子弟可向學者聚而教之考校獎掖以鼓其志嚚頑之俗遂一洗焉又以杜白二湖民命所繫尤加意疏濬民戴之若父母應君

而去耄稚泣送于道擢監察御史

吳得純洪武十六年任慈谿丞時值歲旱百姓困棘得純遂沐浴徒跣詣鄣之天井潭致禱甘雨隨應遂獲有年興學校以育賢表貞節以勵風俗興廢舉墜綽著能聲民到于今稱之

陳巖彙城人洪武三十一年由人材任慈谿丞攝吏以威結民以惠永樂四年率丁壯運木石民安事集五年薦陞順德府通判

季子謙新喻人洪武二十九年以人材授縣簿蒞

職公勤且明於鞫訊刑不濫施而情僞洞燭人不  
敢欺時府常平倉蠹朽有藩牒俾新之子謙領其  
事不督而辦又奉令修堰閘治河渠俱區畫得宜  
民不知勞

余瑄樂平人由監生洪武三十一年爲慈谿典史  
其父大書公平正大勤謹和緩八字遺之遂揭於  
座隅日加警惕邑有淫祠其神巫徼祀遠近奉牲  
幣者甚衆瑄察知之即日毀其祠妖亦遂息未幾  
百姓合辭保陞知縣先時置局造茶有司率緣以

蠹民瑄痛革其弊至於興學舉賢罔不悉心而善政倍於前人

陳播字中定常熟人由舉人署慈谿縣教諭學博文敏師嚴道尊力行教化士風丕振士有貧乏不能舉喪者必捐俸助之或以儀餽必審度而後受不苟取也後以憂去多士泣而送之

陳克振閩人成化間由鄉貢署本學訓導強記博聞議論淳正其教人不以空言而必以身率之諸生中有貧不能就業者輒資以膏薪卻其餽遺或

柵貸賑與之不責償蒙其教植以明經發科者

三四十人定襄小姓明初洪武二十一年以監國

史左遷田奉化縣以儒術飾吏事慈和恤民剛

柔兼濟雖有機會至剖決如流承上字下靡不道

宜其葺縣治修學宮皆極文遠之規蒞政五年遷

刑部主事終知開封府

許有威

文敏師嚴道尊力行教化士風丕振  
能舉喪者必捐俸助之或以儀餽必審度而後受  
不苟取也後以憂去多士泣而送之

陳克振閩人化開州鄉貢著本學訓導強記博  
學四十人正其教人不以空言而必以身率之諸  
生無不誦與不責罰蒙其嬉戲必明器發特清

奉化 山西定襄 性明敏 洪武三十一年以監察

御史左遷知奉化縣以儒術飾吏事慈和恤民剛

兼濟雖事機杳至剖決如流承上字下靡不適  
且其葺縣治修學宮皆極久遠之規蒞政五年遷

刑部主事終知開封府

田南畝吉安永豐人監生永樂二十年尹縣性資

寬厚操行廉謹刑罰不妄施惟以禮訓人民日就  
化未幾遭疾且殆父老入視言不及他惟問民食

麥否及卒妻携二孺自家來至不能歸棺火之而去至今人爲悽悵

曹淵直隸句容人成化十二年由進士任知縣才  
能敏捷應接如流錢糧懸算銖兩無遺工匠指畫  
繩墨預定閑人一面不忘增修學舍務計久遠在  
任九載陞山東寧海州知州

福建懷安人由舉人正德十年知本縣持  
不以家累自隨布衣脫粟  
知子不妄加刑罰嘗有貧民負官錢

之不責其償先身縣官調鎮守市舶內臣以  
賂左右乃得通及見必多奉金幣以贄雲翔曰一  
錢尺帛皆民脂也寧忍剝善民以媚人邪卒不可  
後應劭人有謂當多備行資以隨應曰天下寧有  
餓死大朝官乎其亦特如此後調虹川致仕

吳豹字子文松江上海人正德十三年由進士任  
知縣嚴教警慧凡過自輒不志明憲禁慎賞罰先  
是縣中惡少多挾妓飲博至是皆自輯豪宗大姓  
惴惴不敢吐氣朔望詣庠校講解經書厚賞以作

士又擇奇雋者十餘人躬課試之多致成立縣書  
 無社學六指俸營建於學東隅延師集徒而教之  
 凡私以酒為樂酒作樂婦女嬉遊害禮傷教之類  
 一以嚴禁之使狡博率皆遠去以才能從治於  
 後陞御史知府

江字潮之由舉人知餘杭嘉靖四年調奉化圖  
 畫數篋自隨妻子不至公解嚴毅恪吏長之若  
 神明森然無文者皆避其威遠輕徭薄賦清心  
 為單民皆樂為之

求甚急一切不應至往來行役之使需索夫馬皆  
 不相見間有飲宴饋遺則捐俸資為之時丙戌大  
 歉江約已裕民凡相告訐者輾轉誨諭而遣之民  
 亦悔而罷訟盜賊屏息在任三年通前餘杭為九  
 載以力不能赴京棄其牒而歸士民惜之為立去  
 思碑

陳縞字美中湖廣郴州人由舉人嘉靖七年以江  
 西泰和學訓導陞知本縣慈祥愷悌力興教化時  
 學宮頽圯即飭材鳩工輪奐一新先是戴公德彛

湮沒既久乃訪求遺跡請祀於鄉賢爲文以祭焉  
每鄉飲察舉者宿親即其廬請之朔望詣學與諸  
生剖析大義社學童生亦使觀禮絃誦之聲溢於  
閭里每三六九日課諸生而賞罰之有蔣氏者兄  
弟告訐積二十年至其家喻以大義爭遂息他如  
厚儲蓄增社學創義塚葺郵傳查革丁產之漏竄  
禁絕輸稅之分例諸善政不可殫述廉明勤儉持  
以終始麤衣糲食蔽體充腹而已旣而賢聲表著  
召陞監察御史

錢璠常熟人由舉人嘉靖十二年令奉化臨民  
以懋誠絕無炫飾秋毫不取於民雖自食之粟必  
取給於家僅資薪水於奉而已在任六年妻子未  
嘗自隨士論甚潔之尤留心民瘼如倪家磚崩剝  
不時璠獨捐俸餘以修之惠利久遠戴德歿死建  
文之難未有表章璠創爲之祠扁曰顯忠手製祀  
文極其激烈又以奉志疎畧混淆乃稽查訂正去  
取精確凡此皆有裨風化暇日留心書史以資仕  
學所著有五經旁註續古文會編詩韻釋義

高廷忠長樂人由舉人嘉靖二十三年授奉化尹甫至即刻法之不便於民者十餘條每日五鼓起至晡始息不矯矯以沽名惟順人情土俗而期於政行事集尤能節用不濫費不苟取有饋海錯而潛置金其中者即默返之不揚於衆其貞以律已而容人之過類如此值夏大旱即憂惻不遑由縣治達於龍所凡十數里乃屏蓋素服接武叩拜遍詣龍所凡五日雨遂如注民以不饑兢兢持守六年如一日當道無不優獎民德之爲立生祠

喬鑑雲中人讀書識治體洪武八年爲奉化丞佐有方與斯民聚欲去惡未嘗顧慮尤切於修廢舉墜其所葺宣明樓及修進林磳廣濟橋歲穰橋種德橋民思之不忘

黃寧福建人宣德十年以吏員任縣丞勤儉有威令有欲爲而未就者悉爲成之修舉廢墜勞績爲多終不自營其私參政俞公士悅行縣清軍見其冊籍整敘大加稱賞布爲各郡邑之式能聲振起在任六年以母喪去

潘瑛儀真人性簡厚永樂三年由監生任奉化縣簿下直即詢民瘼周爰若弗及其御史胥自判斷外不妄交一語堂廡上下寂然無譁田里間亦無叫囂墮突民愛而畏之閱二年陞工部主事

朱友銘宣德中任主簿嘗因夏旱科跣步至鎮亭龍潭禱雨不與人言赤日中得片雲且行且喜雲少散即號哭叩頭膜拜晡時至縣雨微至入城隍廟迅雷轟雷驟雨大作四境霑足歲獲有年

陳山字伯高沙縣人永樂二年以舉人任教諭潔身慎行師範後進嘗修永樂大典陞吏科給事出官至戶部尚書謹身殿大學士

李靈字均澤廣州番禺人發解第一永樂七年任教諭性敏好學正以律已勤以授徒講經史要義多所發明自是科目為盛永樂十七年以母喪服闋任工科給事中

俞縉字子宜江西鄱陽人弘治間由舉人任教諭慨士子媮惰學規頽弛晝以國子法課試諸生夜則周視號舍察其勤惰而勸罰之規模振肅士皆

自奮至今人稱之後第進士授監察御史

江沛字伯雨江西南昌縣人監生嘉靖八年由處

州府學訓導陞教諭年踰七十節操愈厲常言曰

學校首善之地恐先自壞邪凡因襲之弊悉釐正

之每課試諸生必先自為文以倡性不喜浮華諛

佞有逢迎之者必庭辱之其剛正類如此令陳縉

稱之曰古君子真師模已而以老去士子追思之

許興福建人由選貢嘉靖二十六年任奉化諭言

笑不苟衣冠必正雖閒居不少懈令士子讀書必

反之身心深以迎合時好為短增廩有缺不待求  
謁即補其應次者節贖之饋悉却不納人以模範  
稱之

福建人由選貢嘉靖二十六年任奉化諭言

笑不苟衣冠必正雖閒居不少懈令士子讀書必



所至俱有賢聲仕終戶部尚書其秉論必以  
陳軾字子敬湖廣人由進士令縣迎養父母事必咨  
而後行時比歲災傷勞于撫字停賦稅緩刑罰弛  
管繕民咸德之尤加意學校每月朔必給油炭以  
資肄業檄召赴京士民流涕仕至京兆尹天  
陳純福建莆田人由舉人任本縣學教諭師式先  
賢範模後學諸生叨其誨益署縣數月民不擾而  
衆務舉卒于官士民交章譽之祀于先賢祠

田維字大常湖廣人由舉人任本縣學訓導本端  
則善學博才充施教有方諸生多所造就蓋謙謙  
君子也在任六年陞上蔡教諭

象山

孔立廬州人洪武元年由秀才齊印來知縣事歸附之始百廢未興立秉心廉直庶政畢舉是年蘭秀山賊寇境民甚驚駭乃計殲其渠魁餘黨悉平民賴以安有虎爲害以文告於圓峯神虎患遂息時大旱苗皆就稿立爲文虔禱雨應期而至苗得以甦故邑推善政以立爲稱首

劉思齊彰德人洪武七年來知縣事時雖耆老深識治體政尚清勤剖決衆事一出於已吏莫得售

其姦威儀嚴肅民敬憚之

凌傳句容人由舉人成化十七年來知縣事能爲民興利飭學宮新廨宇興廢舉墜百度維新築岳頭陳崑二塘得田四千餘畝民多賴之又日進諸生講論多所發明卒於官士民懷之爲立歿思碑建祠祀焉

鄭琳由舉人弘治四年來知縣事性廉介剛方執法不阿雖權勢之家不能干以關節屠家宰家居目曰此硬頭官也時人因呼爲鄭硬頭

徐相江西人正德九年任知縣性清約率民以儉自奉惟蔬素內子不堪至出怨言相喻之曰爲清白吏婦不愈於獲賊罪爲成卒婦邪後遷知州去民至今稱之今里甲均徭十年一輪者自相立法始也

何榮茂陵人由監生嘉靖十五年來知縣事持身簡潔勤於政事獄無冤滯院司知其能檄委檢斷辟案擬決如律無所回護因而觸忤權勢遂被中傷改秩而去百姓泣送焉

蔣三才全州人由舉人嘉靖二十四年知縣有治才時海陸諸賊竊發擾害村落三才倡立父子鄉兵互爲策應賊有犯境及私相掠者多方捕獲鞠得實竟殺之民賴以安以氣節自負不能善事上官竟免民立祠祀之

陸維遠福州人由人材洪武二十年來丞縣事蒞政威嚴處已廉潔吏民畏憚目爲鐵面卒于官屬續之夕城隍廟閣者夢中恍忽聞人呼曰新官到任急去打掃閣者問新官爲誰答曰陸相公逮旦

### 維遠卒

宋真和州人永樂十三年來丞縣事剛柔兼濟處事公平每自許以身殉國永樂壬寅冬倭寇侵縣官民聞風而逃真方自外還左右輓轅諫曰賊已至當避之真曰吾爲民牧當與同安危民旣受患我將安歸手持長竿與敵交鋒殺賊數人從午至晡左右盡避更無援者俄而竿斷真尤赤手搏戰不已賊衆圍之剽七首中脇死

蔡海閩縣人舉人永樂十四年任教諭心事豁達

文學優長永樂壬寅倭寇犯境邑中老幼盡伏海  
獨正襟危坐少頃賊至不忍加害海指賊罵曰醜  
徒自當稱貢中原乃敢寇境擾民邪賊刺之海飲  
亦罵不絕而死

陳文講莆田人舉人嘉靖二年任教諭性質直不  
能容人之惡知縣史篋敬憚之時役民修大成殿  
賄以二十金文講拜於聖像前麾不受捐俸置祭  
器至今存焉陞崇陽尹至勤而卒

李鳳邠州人由監生嘉靖三年任司訓古貌古心

博學能書內子雙瞽愛禮有加其子得金於市  
使還其主坐齋舍中日肅諸生課講多所發明會  
主司恣睢任意辱以非道出醜詆語鳳整冠掀髯  
直前厲聲曰大人爲斯文宗主士子觀法何躁妄  
如此因言不可者二同列皆爲股栗次年卒於官

當

六

十

九

會

後

送

子

豆

子

人

十

六



